



水南集卷五

明德清陳  
霆聲伯著

七言律詩

衛河夜泛

和人韻

千里關河一短篷  
來迎春燕去秋鴻  
做殘鄉夢身還北  
推起船窗月在東  
桂子冷傳衣上露  
荻花清裊鬢邊風  
扣舷今夕知何夕  
一笑分明在水宮

送人之南雍卒業

笑指青山倒玉壺  
夕陽催客上征途  
江湖別意雙詩卷  
京國歸裝一畫圖  
海北定看鵬奮早  
天南遙望鴈飛孤  
鄉心回首成愁絕  
晚樹蒼涼鳥亂呼

都人綴紅蠟成折枝梅或爲予致一枝愛而有  
作

染玉調酥點俏枝醉顏頰鬪丰姿香浮金翦春先透  
水滿銅瓶月未知換骨有丹矚造化寫生無筆費詩詞  
夜屏不減天然格爲報東風且勿疑

謫後寄鄉中諸舊

口毫無補費餐錢慚愧清朝侍從班仗馬分須鳴北闕  
苦瓜何敢賦東山春風盃酒飄零後夜雨溪堂夢寐閒  
千里故人知健否暮天落日見鴻還

至廬陽馬上口占

馬足淩兢石路斜酒旗青處有人家旅途未了叢陰夢

游女空歌陌上花春去漸知詩思減雨中還覺暮寒加  
敝袍塵土成何事搔首東風只歎嗟

公事山行李明府以詩來因知回祿之災幾及  
旅寓用韻奉答

山谷驚秋落葉紛馬蹄蹋破萬層雲遠勞信使傳佳句  
獨少香柑慰細君宦況正於愁裏薄猿聲況值睡時聞  
怪來心膽終麤率信步行衝虎豹羣

宣和畫鷹

寶和殿下灑秋毫五色絨絲玉雪毛翮健不誇胡騎疾  
眼明應識塞雲高原狡兔成工窟北海羝羊老節旄  
愁絕鴈書傳不得夜寒五國慟青袍

山水小景

望中煙樹幾樓臺一片青山夕照開  
野渡有舟招過客候亭無主傍秋槐  
十年人向天涯老千里書隨鴈翅回  
撫景不堪身世異臨風長笛送餘哀

奉寄潘團山得致仕團山於正德初以言路廢  
更化後再起

秋鶴春猿意味投青山歸辦小菟裘  
雀羅門巷宜高臥雞肋功名懶過求  
釀酒倍栽坡下秫藏書新蓋竹閒樓  
雪晴定有梅花興明月南山好夜遊

霍山一名南山  
潘隱居近之

桃林春牧圖

太平有象重農桑  
睠此桃林牧放場  
金絡不教羈野性

繒衣寧復畫龍章  
短簑飯後纔初月  
橫笛歸時正夕陽  
一歲閒忙較相半  
東風春草又芳塘

子陵

世閒萬事一羊裘  
曲直無心任釣鉤  
天地已歸今日漢  
江山猶占向時秋  
乍煩帝腹紓雙足  
終仗絲綸繫九州  
展卷不禁歸興發  
碧竿煙雨夢滄洲

許由

此生黃屋亦何心  
老向山林歲月深  
鼠飲正消泉一掬  
巖棲應笑業千金  
已嫌空谷生天籟  
尙被秋風聒世音  
瓢棄蒼流重相笑  
百年誰會伯牙琴

浮碧亭

在茗城南峴山之崖爲郡縣諸公行樂處

蒼茫千頃碧瀾湖誰著山楹面海圖淨卻唾珠龍窟近  
冷涵秋影鴈飛孤一琴閒對成都鶴雙舄時來葉縣鳧  
樽酒倏空詩未就黑雲催雨晝模糊

又

蛟涎魚浪濕青紅百尺簷陰覆水宮曉汲影寒茶鼎月  
醉濡光動墨池虹山川半落冰壺裏風景都歸玉塵中  
乞我釣簑時獨往石邊閒坐一絲風

又

落霞飛鷺水雲寬平挹湖光十二闌清比露盤承沆瀣  
靜宜冰簟展琅玕晚蟾漁浦涼如洗秋淚珠宮濕未乾  
長嘯一聲波浪洶蒼漚千點去鳧寒

題扇

洞庭秋老水無波  
繫岸扁舟木葉多  
紙上功名輸范蠡  
世閒成敗付蕭何  
轉空海月陪詩夢  
度水溪雲貼釣簑  
一笑不關流俗事  
爲君洗盞聽吳歌

題畫

一笑浮名且罷休  
世情消得釣魚鉤  
狂奴辭漢非無謂  
司諫還山也自由  
風雨不驚遊子夢  
江山都屬笛聲秋  
從今淨洗紅塵足  
茅屋三間老白頭

又 和趙松雪韻

宿酒醒來江上秋  
青山消盡古今愁  
簑衣不厭水雲氣  
茶竈卻宜風雨舟  
千古何人共舒嘯  
百年回首獨登樓

寒聲怪得清雙耳門外長灘曉夜流

輓越江岑蘭谷

東風吹斷紫蘭春香谷空遺步履痕蝶夢不回莊子榻  
酒壺難訪謝公墩月將顏色臨書屋潮送哀聲近墓門  
千壘越山雲在眼一詩南去爲招魂

三潭夜月

以下仙潭六詠

老蛟全懶弄狂波向晚平潭月色和山翠已收眉尙淺  
水光相盪鏡新磨客船有笛吹楊柳漁浦無鐙落鴈鶩  
卻信仙人過舊隱冰絲彈處夜涼多

九井寒泉

蘚痕交砌土花凝海底靈泉各竅生釀酒煮茶功卻異

分江貯月派同清  
炊煙出戶催朝汲  
轆轤鳴秋雜市聲  
醉後不禁詩吻渴  
一瓢爭顧齒牙驚

南寺曉鐘

髯杉癭栢共陰森  
飛簾懸鐘古殿深  
聲散碧空霜下降  
杵敲寒影月西沈  
憑誰警悟先成佛  
老我癡聾正擁衾  
怪得暗塵遙攘攘  
故知催動利名心

西溪夕照

汀洲漠漠樹依依  
十里溪山正夕暉  
村碓尙占三舍遠  
客帆遙帶半稜飛  
近灘漁戶將收網  
隔水人家未掩扉  
添得江鄉圖畫好  
滿羣鷺鴨傍船歸

渚山花霧

非煙非雨細濛鬆遠近峯巒一色中香徑曉迷蜂蝶路  
小池春暗杜蘭叢輕綃障面桃還笑薄黛勻眉柳更工  
不道東風吹易散兩竿紅日畫橋東

桃源春洞

桃花流水認仙蹤古洞雲深有路通歲月足知秦網後  
山川依舊鳥聲中尋眞忽遇紅雲島避世堪稱白石翁  
擬貰百壺來野飲日將沈醉領春風

書慈孝村潮音庵壁

斜日菱溪水半篙柳邊輕舸繫長條青林招隱兩閒辰  
碧井分甘一巨瓢歲月儘能容老病江山曾不厭漁樵  
孤雲野鶴無他適來向空山訪寂寥

渡自後溪步至聽雨堂用前潮音庵韻

水落寒溪不受篙夕陽煙柳半蕭條徑殘蒼蘚僧歸錫  
池有清泉客試瓢蝸壁雨餘添古篆鶴林秋晚墮枯樵  
灰心得悟安禪法時向松關伴寂寥

遊有竹亭

細草幽香顯屐痕東風邀客爲開門竹餘新笋供茶料  
樹借繁陰蓋酒樽行處謾隨陶令柳坐閒爭占謝公墩  
醉歸尙有溪頭月莫管斜陽迫暮村

甲子中秋臨晚至亭上會客復用前韻

落日牛羊下晚村田家驚鴨鬧柴門會循真率虛邀客  
飲散高陽倒臥樽千里共君看月色十年勞我夢槐根

胡床少屈陪清坐尙有新詩共講論

滄洲圖 里人溪居號

隱約溪山遠近汀水天連處暮雲平  
鴈來沙上點秋色  
鷺向蘆根立晚晴  
滄海夢回詩被冷  
江鄉月落釣船橫  
灣頭蟹舍憑招我相約攜家過此生

又

浦樹汀蕪斷復連江村風景畫中看  
滄波渺渺暎溪屋  
沙鳥飛飛近渡船  
十里水雲漁笛晚  
一竿煙雨釣磯寒  
清宵更喜添清事夢繞蘆花月滿川

秋日書懷用胡衛文來韻

雨作秋陰慘淡愁小齋牢落閉詩囚  
滿堦木葉便於竈

一味菜根消得油豪氣獨推湖海臥西風誰在岳陽憂  
廟堂定待封侯骨卻笑寒儒浪預籌

唁胡衛文守制用前韻

驚猿哀鶴抱長愁天地高深一罪囚三載墨纒妨奪錦  
五更黠鬼定澆油槐花空促風前馬萱草方遺夢裏憂  
且誦蓼莪天保句平生忠孝要深籌

和韻贈沈一松羽士

曉窗研露墨塗鴉吟就懷仙閣筆誇青鳥夜傳雲外信  
碧桃春老洞中花劍鋒冷浸瑤壇月丹氣新成石室霞  
歲月自勞人自逸長生寧復鬢毛華

蓉江

友人中歲名未成因以自號

汀雲淡淡水茫茫秋盡江南滯采芳顧影未須嗟歲晚  
倚雲聊且後春陽橫塘有月芳塵寂遠道無人落照長  
卻向東風問桃杏可能勻面待清霜

陪督學黃憲副造奉國山寺拜瞻東萊讀書堂  
退而卽事

籃輿雨兩度松風化國樓臺疊翠中山雨霽來溪碓急  
野雲開後鶴巢空多年僧壁餘蝸篆終古書龕有蠹蟲  
芳饗尙聞明薦缺瓣香低首意何窮

太守劉丹崖禱弁山得雨郡彥有志喜之作踵  
韻一首

弁山龍臥雲冥冥有客瓣香來乞靈玉盆倒水走急雨

鬼斧劈松飛怒霆雙鳥忽然天際白數峯依舊晚來青  
登攜有酒暢民樂何處乾坤非我亭

卽席一律送太守劉伯儒之任湖廣憲副

愛山臺下一盃酒酒盡不堪生別愁靈雨住施焦土澤  
法星移照外臺秋五更畫角催仙旆六月南風送去舟  
後夜相思竟何處會教明月到西州

送掌教蘇肖泉陞任南都武學

十年曾伐月中柯三級其如退浪何伏驥未忘瓊苑路  
老龍仍借泮池波師門桃李春陰盛武帳風雲壯氣多  
金馬本來文學地伫教側耳聽鳴珂

和練川池閣新成

面東

歸閒吾自愛吾廬新閣成來愜燕居初日射簷欣瓦雀  
清池當檻戲文魚謝家夢裡餘春艸譚老牀頭只化書  
怪得俗氛無路入竹陰長日護前除

追悼孫太初山人

招隱無人賦小山竹橋梅月寄荒灣

竹橋夜月爲道水場山八景之一

聲東去空多咽山色南來只自閒蔓草莫悲秋井竭夕  
陽惟照野僧還傷心舊日巖棲處曾見詩瓢掛壁閒

又

調鶴長畝漉酒巾買牛還傍種瓜村栖遲高跡青山窟  
零落遺骸碧艸根詩解窮人囊轉富道能輕世我常尊  
西湖水月應同夢千古梅花是返魂